

րոս հայր ի վանիցն սրբոյն Յովհաննու Մկրտչին, որ է ի գիւղաքաղաքն Ճահուկ ընդ ֆրայ Ամբրոսիոսի եւ ընդ մեծամեծացն գիւղիս՝ Աղաջանն, Ֆիդէն, Անդրիասն, Խօշէն, Թաթարն եւ այլ Ճահկայ ջամիաթովս: Ես, ֆրայ Յակոբս՝ հայր ի վանուցն Ամենայն Սրբոց, որ է ի գիւղաքաղաքն Ապարանէր ընդ ֆրայ Մաթիոսի եւ ընդ ֆրայ Դադեոսի եւ ընդ մեծամեծաց գիւղես Թարջիմանն, Ամիտն, Գրիգորն, յԵրիջանն եւ այլ Ապարաներոյ ջամիաթովս: Ես ֆրայ Պետրոսս՝ հայր ի վանիցն սրբոյն Ըստեփանոսի Նախավկային, ընդ ֆրայ Ղուկասի, որ է Խօշկաշէն եւ ընդ մեծայմեծաց գիւղիս Մուրատն, Թաղվերմիշն, Օգոստինոսն, Ղուբաթն եւ այլ Խօշկաշիմոյ ջամիաթովս: Ես ֆրայ Ազարիայս, հայր ի վանիցն Սրբոյնոյ Աստուածածնին որ է ի գիւղն Քոնայ ընդ ֆրայ Յովսէփա եւ ընդ մեծամեծաց գիւղիս Հասանն եւ Օիրինն եւ այլ Քոնոյ ջամիաթս: Ես ֆրայ Բէնէտիկտոս հայր ի վանիցն սրբոյ Գէորգայ Զօրաւարին, որ է ի գիւղն Ապրակունիս ընդ ֆրայ Անդոնի եւ ընդ մեծամեծաց գիւղիս Խաչիկն, Աղաջանն, Մերաքն եւ այլ Ապրակունոց ջամիաթովս: Ես Պետրոս հայր ի վանիցն Սրբոյն Գէորգայ, որ է ի գիւղն Սալթաղ. ընդ ֆրայ Թումաի եւ ընդ իմ միաբանովս: Ես, ֆրա Ավանս հայր ի վանիցն Սրբուհոյ Աստուածածնին, որ է ի գիւղն Ծահրունիս ընդ ֆրայ Մանուէլի եւ ընդ մեծամեծաց գիւղիս Օիրանն, Անանիայն, Յովհանէսն եւ այլ Ծահրունոց ջամիաթովս: Ես, ֆրայ Պողոսս հայր ի վանիցն Սրբոյն Պետրոսի Առաքելոյն, որ է ի գիւղն Կեծուկ եւ ընդ մեծամեծաց գիւղիս Փօլաթն, Աբրահամն, Պապիջանն եւ այլ Կեծկոյ ջամիաթովս:

Սոքա ամենեքեան վերոյս գրեալէս զլուս ի գետին դնելով քոին սուրբ քարշապարանացդ. խնդրեմք եւ հայցեմք քոին սրբութենէդ զմեզ յիշեայ քոին սուրբ օրհնութեամբն. մի թողուր զմեզ որքս. այլ փութանակի ձեռնադրեա ֆրայ Օգոստինոսն, որ առաքեցաք քո սուրբ Աթոռդ, որ է արժանաւոր ծառայ Քրիստոսի եւ առաքեա առ մեզ փութով: Դարձեալ հայր սուրբ յիշեա այս աներեալ վանորայքս ողորմու-